

續修四庫全書

天
地
人
三
才

天
地
人
三
才

天
地
人
三
才

天
地
人
三
才

天
地
人
三
才

天
地
人
三
才

《續修四庫全書》編纂委員會編

續修四庫全書

上海古籍出版社

一五三六・集部・別集類

顯志堂稿十二卷附夢柰詩稿一卷（卷十至卷十二）	〔清〕馮桂芬撰	一
文靖公詩鈔八卷	〔清〕寶 鋆撰	七九
文靖公遺集十二卷補遺一卷	〔清〕寶 鋆撰	一七五
敦夙好齋詩全集初編十二卷首一卷續編十一卷首一卷	〔清〕葉名澧撰	三二五
半巖廬遺集二卷	〔清〕邵懿辰撰	五八一
咄咄吟二卷附錄一卷	〔清〕只青喬撰	六六三

顯志堂稿卷十

吳縣馮桂芬林一著

均賦議 癸丑

今蘇屬完漕之法以貴賤強弱爲多寡不惟紳民不一律卽紳與紳亦不一律民與民亦不一律紳戶多折銀最少者約一石二三斗當一石多者遞增最多者培之民戶最弱者折銀約三四石當一石強者完米二石有餘當一石尤強者亦完米不足二石當一石如元和縣屬章練塘之類向來完米較少去冬開漕之後不過一石六七斗常而紳與民又各有全荒之戶謂荒不能坐以欠字以力免民以哺免而其爲不完則同於是同一百畝之家有不完一文者有完至百數十千者不均孰甚焉今既不能全

顯志堂稿

卷十

辦清漕而議補救之法非細民一律不可非通知利弊亦不可以定一律之價論者第知紳衿有短價而不知完米鄉戶之亦短價也紳衿短價中之最多者大約與鄉戶完米之值等第知勒折長價之當減而不知完米短價之尙當減也何以言之向來開漕毀倉之案多不在勒折長價之鄉戶強者皆完米故勒折之戶而必其最弱者不能盡事而轉在完米短價之鄉戶此等恃強之民今年萬不能照舊徵收也是紳衿非所畏可畏者此輩首肯無不首肯矣惟遞增短價大減長價更稍減乎鄉戶完米二石有餘之價大約一石不得徵二石以一石數斗爲斷而一律徵折米價在二千內不得至四千文米價在二千外不得逾四千文此其定率也以此數計之蘇郡今年業戶情形呈明減租三四成加以三限所減即無欠亦止畝得六斗僅敷完納銀

米幸有普藏之三分如佃欠不及二三分便可無累若再增銀計以銀計必至如條銀之細核州縣海運開兌各帳不但斷無賠累而且寬有盈餘並足供本署及本道府一切辦公之費至丁胥以下千百無賴之徒則一筆勾之可矣惟此法行之折色則可行之本色則不可一經開倉必至有一律之名無一律之實將見米數一律米色不一律矣斗斛一律平滿不一律矣當場一律暗地不一律矣今日一律明日不一律矣以積慣舞弊之人處最易舞弊之地而謂區區文告可令弊絕風清吾將誰欺於是刁生劣監挾制更多小戶愚氓怨恨更甚其害與不變法等且本折兼收將使本色與折色相當乎則本色有盤耗折色無盤耗人必願折不願本徒

顯志堂稿

卷十

費鋪倉之用恐少納米之人將使折色稍浮於本色乎是又開不一律之門勢必又以貴賤強弱爲本色折色之分太鎮均漕而紳衿借米色米價爲通融之路是其明證將使一律本折各半乎無論多一名色卽多一利孔且斗升小戶從來不知完米不堪繁擾勢必假手包攬始而差役繼而矜監此端一開弊有不勝言者矣況乎今年之不便開倉者更有三焉此時定價既少自以省浮費爲第一義開倉浮費動需二三萬串雖派每石不下三四百文而民間上倉私費更屬不貲無非金擲虛耗況向來倉米徵收之後往往發賣官倉同於牙行迨交運則又令牙行包辦何苦多一曲折坐耗此無名之錢既宜體卹小民又宜體卹州縣一也向來州縣每以

據南京圖書館藏清光緒二年馮
氏校邠廬刻本影印原書版框
高一七三毫米寬二六二毫米

顯志堂稿二

〔清〕馮桂芬撰

下忙移墊鋪倉今年捐抵之後資無所出必致嚴刑追比舊欠或重利挪借丁胥非損民卽損官二也開倉之日鄉民聚集千百成羣當此官日伙民民不畏官之時差役人等旣不肯洗手從事又不肯降氣平心誠恐口舌變爲鬪毆鬪毆變爲拒捕拒捕變爲畔逆外侮未戢內訌可虞三也固不如一律折色之易簡而無弊也或恐市僧把持臨兌無米不知近地之米止有此數不交官倉卽在民間且各縣同時徵錢不徵米則中戶爭思賣米市僧安能把持況以本年情形論之室多懸罄恐無閉糴之家寇在於垣更少居奇之賈米價有賤無貴可操左券也云以利官不利民爲慮豈慮無米可買但或錢儘私用延至來春難保市賈不昂此不能爲立法之

顯志堂稿

卷十

三

咎惟有嚴飭州縣一面收錢一面買米不准挪作他用此不易之法亦於民間有益或曰招縣中數百石以上殷實大戶不論紳民俱准認辦本色取具認結先行給串臨兌交米如運數而止此亦簡法但有利卽有弊且或敢不一律之端未敢輕議也至其餘防弊條自謹擬八則如左
一大堂設櫃徵收不准私交丁胥也銀洋照時作價大書高揭每日一換不准私毫增損各花戶持錢并易知單或新舊銀米串或白開都圖戶名斗石細數一體呈納立時截給板串不准過本日如有留難指給等弊准卽鳴鼓訴官一串票不准發追也向來州縣截串發給差役按戶追銀按限繳銀始猶先用而後繳繼則覓用而零繳終且九用而

一繳半則嫖賭浪費半則赤手起家差欠役欠盈千累百鞭笞狼籍公事何補不知錢出於民入於官何苦多一假手之人而減其數惟慨不發串不令經手銀錢則差欠役欠之弊自絕

一欠戶宜仿詞訟之例任簽縣差協保拘人也向來欠戶由本圖糧差糧書承辦但得多行賄賂約視應完之數過半便可永不到官此近年莫大之弊惟任簽他差仍押本人到縣赴櫃親完亦不准該差經手銀錢則藩離自破矣一漕總及錢漕家丁名目一概禁絕也縣有戶房庫書自能經理文牘宅門以內銀錢歸帳房公事歸簽押稿案永不准有前項名目違者嚴參治罪不特此也若輩久倚爲專

顯志堂稿

卷十

四

門之業其著名凶惡者州縣爭先羅致非取其辦公熟手實取其造孽辣手每辦一漕輒以數千金爲媒媒而訖有二三萬金之獲殃民禍國此實罪魁卽不明正典刑豈宜任聽安飽應密札各州縣查明上三屆漕總門丁先期拏到看守清查欠欸倘新漕仍有漕尾罰令全數賠繳以贖從前罪惡如此從嚴辦理庶不致暗中設法撓我新章一嚴核徵數不准以完作欠也應令於例設堂簿之外另刊完糧徵信錄將某日某人完糧若干戶計若干石簡明其詞隨時刊入刷印一二百部徧送紳士許完糧而不入錄者呈明上司與以重賞亦絕弊之一法

一易知單費亦應紳民一體也定以每畝七文刊明單上不

准絲毫多取其糧書遲誤不於開徵前交到本戶者不給
又過戶紙筆費照此辦理需者准各戶於完糧時訴官
嚴辦該戶毋庸候質

一荒分宜均攤也定例辦荒必將都圖坵數履勘確實始准
注緩此俗所謂官話正以便其役之上下其手也蓋聞有
業田數百畝而佃戶指熟為荒業主無從辨認者矣況一
縣之大乎惟難荒一法不失為公即實有賄絕之區止宜
留一二釐不攤以通其變太鉅荒政極公可以通行各郡
本年所辦按戶統免四成可謂第一善政此外聞將續辦
拋荒似亦宜均攤為允

一紳積欠宜絕也各縣紳衿有連阡累陌從不知完糧為

顯志堂稿

卷十

五

何事者官吏口恨而心甚德之以其為數無多而可作墊
欠之明證如方伯札內所指某某等姓抗賦諸巨棍之類
實漕務之大害惟有罰田入官清完日給還永為定例庶
可知所懲儆或謂下田入官轉可脫累不知從不完糧本
無累何云脫乎

是議中丞亟稱善函致方伯某公照辦頗亦采用惟所
議原係按照海運起數乃定議後數日又以餉亟改為
徵折按之當時銀價實已稍多且恐來年辦運將以不
能照數為辭則事機之深可惜者也又定議後太守喬
公出示有不論有無易知單一語為絕弊極善之政乃
三縣糧書見之大悲夫糧書挾單舞弊書中已詳言之

尤有甚者則改申朦微之弊也糧書於造冊之時先於
眞戶之外虛造一同圖同名不同數之戶謂之鬼戶如
眞戶趙大完米一石即再造一鬼戶趙大完米一升開
徵後該糧書代完一升截串以升字改作石字憑串向
趙大取一石之價趙大不知也而此一石之串遂永成
實欠在民矣有捐抵局查出吳縣許春圃一案可證此
弊惟不論有無易知單但開細數即准完糧一法可以
絕之宜糧書之大悲也久之三邑竟以難於稽考空詞
詳藩批准憑單完糧尙何言哉 又記

顯志堂稿

卷十

六

裁屯田議

夫子論道國曰節用孟子曰無政事則財用不足所謂政事者用所當用節所不當用而已此者軍興十餘歲常賦不供雖

上方服御所需亦多停罷不可謂不節矣而各路徵兵召勇饋餉之數日增月益在事者相與旁皇憂念不知爲計當此艱難支絀之秋豈有以

國家自有之財轉募之元散無事之地黃金虛擲數累鉅萬而不少加愛惜哉竊於漕運弁丁支款以及屯田租息而不能無疑也備所之制創自前明今之運丁卽前明之軍始以有罪遣戍著籍防守月給軍糧非爲漕運設也竊後谷軍撥

縣志堂稿

卷十

七

藝荒田令輸籽粒於月糧內扣抵遂編爲屯軍與營軍爲二無事則資挽運有事則資調遣亦非專辦漕運

國朝屯軍次第裁汰屯田歸併州縣承佃辦賦惟有漕運之地隸備所如故謂之贍運屯田於是乎備弁運丁屯田始專爲漕運而設當時

國用充盈體大物博但資其飛挽之力卽亦不苛細微迨後日久樂生習焉不覺至今日而害斯衆著約而言之可疑者迨非一端運丁於田租養贍之外每屆兌運行月耗賄銀米列入正款者每船幾及米二百石銀二百兩之多而猶以爲未足輒向州縣勒索幫費遠過於商賈陸運貨物之值州縣藉口浮收勒折以給之司倉人等復利其厚獲還相魚肉悖

入悖出皆運丁爲之關鍵坐令漕務敗壞決裂此可疑者一

也守備千總亦武職不令之操演不令之管帶漕標各兵乃令守備微糧理訟參錯州縣之間以分其權又令千總押運而運事轉以丁爲主王氏芭孫有云其強者與丁爲狼狽其弱者受丁之指揮屬之漕督而漕督相懸數千里屬之糧道而糧道相懸數百里屬之所在知府而知府又以武職外之既無考核又無鼓勵此可疑者二也運丁之始卽水手也康熙三十五年定僉軍之法特以爲水手之長耳何以既有運丁又別雇笨點無賴習教之徒充當頭棧水手擾害民間嘉慶道光中疊釀巨案猶幸江浙停運在先金陵失守在後不與賊合然資遣未盡者猶以千計吳民苦之數年始息此可

縣志堂稿

卷十

八

疑者三也糧艘所容不過數百石與中號江船等而船身之重滯行走之艱澀無出其右此可疑者四也因思舊制以衛領軍以屯養軍而以軍挽運法非不善今則漕事專責之運丁安用衛爲費用盡取之州縣安用屯爲挽運別付之水手安用丁爲名實全乖舉非其舊以不文不武之官領不農不賈之民別樹一幟天下冗員游手莫甚於是益不待今日而論者莫不謂欲清漕務首革衛弁運丁矣蘇省自道光二十七年停運以來不特衛弁薪俸按年支領卽苦蓋月糧初亦照例減半發給屯租更加常徵收在有司例與之而不以爲嫌在若輩例取之而不以爲感馴至粵匪難作而後已竊計數年中弁丁安坐無事糜費

國帑殆不止千萬之數卽以上下兩江屯田租息一項言之
江淮衛等凡二十三衛額定六十餘幫船三千八百餘隻惟
江淮與武二幫生資津貼並無屯田著名瘠苦此外江蘇之
蘇州衛等安徽之新宣衛等共二十一衛計屯田二百三十
餘萬畝此項田畝康熙八年湖廣有清釐之案二十三年江
西有清釐之案皆輾轉典賣或贖回或助費分別辦理似已
有彌縫補苴之意迄今年代更遠弊必益甚嘉慶間松江府
志稱裁併典田頭緒繁多而坐落鄉圖具在足爲運丁身家
之一助卽現在蘇省各屬多有屯田散布境內各衛時因催
租之案與州縣交涉是屯田非盡無著之據湖廣江西情形
想亦無異但將已無者概免究追現有者盡數交納或召變

顯志堂稿

卷十

九

或徵租十得三四尙不失爲巨款於度支不無小補現在海
運行之十餘年尙爲利濟自難亟議更張卽使肅清之後謂
海運非久長之策重議河運或招商或採辦或轉駁或改造
駁船或雇用民船以所省漕項銀兩給丁各米益以屯租何
事不可辦斷不議重造前此笨滯船隻重招前此獷頑水手
重任前此不諳轉輸專爲姦利之弁丁此可以理決者旣已
不可復用似宜早爲之所蘇省被難以來弁丁輾轉流離無
復生計一經克復勢且環求調劑安得閒款給此閒人若不
及今裁汰直

國家一大累矣夫使經費足支存之無損於毫末不裁可也
而經費如此其絀又使爲數無幾去之無關於重輕不裁可

也而爲數如此其鉅又使弁丁於漕運雖不能無獎尙有不
可無之一說不裁可也而弁丁於漕運非但可無直不可有
然則爲今日計惟有請將江南湖廣江西各衛裁撤其守備
千總各官調營序補銷除屯丁冊籍查明現有之屯田儘數
歸官俾

帑藏不致虛糜綜核名實之道實在於是至漕督亦在可省
之數惟考漕營始於明隆慶間漕撫方廉爲備倭患而設今
情事正同淮安一帶距省會率一二千里自須督撫大員坐
鎮俟南北肅清再議歸併督撫爲便

顯志堂稿

卷十

十

寓兵於工議

粵匪蹂躪楚北距蘇城且二千里其勢非能遽至也惟是承平日久民不習兵軍書一聞訛言四起怯者喪膽黠者生心本地無賴煽惑鄉閭外來流氓奕城市尤可慮者糧船水手勾連土匪結黨橫行莫敢誰何自聞楚警迥非如從前之安靜城外俞家橋一帶有小梁山之目更熾然在垣之寇矣居今日而議防堵非防粵匪防土匪也議防堵不能不讓團練而團練之弊有三多易而精難聚易而散難人易而費難欲祛三弊莫如寓兵於工之一法夫吾郡百工之淵藪也城鄉工人之數甲於他省而工人壯健之名又甲於四民工不一業簡其強有力者用之業不一人簡其尤強有力者用之

顯志堂稿

卷十

七

以蒙所知若油車端坊鋼坊染坊煙作紙作底作綬作繅作石作之屬皆壯健可用蒙家舊鄰一煙作凡工數十名巷中有著名土匪他無所畏獨畏煙作雖醉酒肆罵時過之輒噤聲其明驗如此若更加以簡擇不忠精之難也此輩皆有居停主人來歷分明非游民可比但須廣咨博采別類分門於各紳士中之居相近與其居停相識者籍其姓名第其材力高下登爲一冊歸民辦不歸官辦蓋官辦則鄉愚無知恐遂錄爲兵人多不願也約略計之可得四五千入陰爲部署不必明爲徵調平時自食其力既無聚眾滋事之虞臨時偶食於官不啻尺籍伍符之子且風鶴一警工即輟業若輩一朝失食難保不爲我患取其爲我患者轉爲我用既兩得

顯志堂稿

卷十

三

之道而事平之後各商復業如故各工傭趁如故不患散之難也或者謂不事徵調何自知其樂從與否又何自知其膂力膽氣之足用與否則有番上巡查之一法輪給以值而羈縻之明試以事而歷練之部署既定酌分爲數十班一業分班不必盡一定數惟同兩月爲一輪每夜以一班令其駕船分赴僻靜處所如盤門外寶帶橋閘門外近關一帶向有劫案之處巡行周視人給二三百文獲盜者別有重賞不特膂力可以驗試而其人果踴躍從事即膽氣可用之徵也又可仿照水龍救火成式水龍夫亦遠近數里內或有劫盜竊發令柵夫以鑼爲號凡在部署之數者聞聲即至人給二三百文令給發此項不至有討獲盜者別有重賞此法楚氛既平仍可用以

己用又其要者川楚道梗客米不來而米市自移無錫關內糧食已少城河不通舟楫城內糧食更少亦當籌及者也他如稽查保甲吾郡五方雜處比鄰或不相識不能用王文成十家牌連坐之法然甯詳毋略甯繁毋簡甯爲其難毋爲其易由圖董帶同地保造冊送縣委員覆核如有漏略立時增正委員記功以示獎勵庶幾密益加密至糧船水手護煙廣匪兩種能爲我思不能爲我用實無安插善術惟有禁欸雇船盡數咨遣回籍是爲上策而已

顯志堂稿

卷十

三

通道大江運米運鹽議

自長江道梗以來川楚貨物如杉木煤炭之類無一不貴自一倍至二三倍不等獨米價無改其舊此何以故蓋逆匪東竄之時卽大河北決之日溯自河流奪淮清水歲溢昭關車邏等埧動輒開洩下河七州縣產米之區古所謂海陵紅粟者自近一二十年來幾於無歲不潦無年不災乃者河既北流淮復古道無開壩之事下河連三歲大稔計其所產米數以方一里爲田五百四十畝得米千石計之七州縣境除鹽場蘆蕩而外廣袤不下三百里當得米九千萬石聞往歲以楚米接濟江浙實數不還三四千萬石今以下河之多收抵川楚之少運數可相等浙江之所以無饑也今聞下河大旱

顯志堂稿

卷十

古

與向之被淹等斯卽江浙豐收已慮米貴況同時大旱若此將何以支天下事有慮患有實患愚民囤積市僧居奇皆虛患也千百里舟楫可通之地竟無此一物乃患之實者背秋涉冬米日少一日價日增一日不至石十千八千不止而窮民能得食者鮮矣今聞艇船已抵西境火輪船且連橋入江或者天心仁愛未絕我江浙民命川楚之米斷而濟以下河下河之米歉而仍濟以川楚乎則惟有用火輪等船運米爲目前長策顧招商既虞襄足籌欸又復束手爲之奈何或者數多不可少行之憂辦不可漸行之於無可籌撥之中量撥銀三五萬兩派能事弁勇輾轉運源源而來未始非積少成多之道也又淮南引地江安兩湖盡爲賊梗處短課

銀三四百萬兩如火輪等船可通江路則不特可運米亦可運鹽但須奏定以正雜課經費歸軍餉而軍餉充盈矣以餘利賞弁勇而弁勇踴躍矣或恐火輪船不肯運訪之滬商僉云略以厚值無不從之埋至用他船遲速既異聯絡為難或中道逃亡或為賊劫奪甚且詐偽射影獎不勝言矣又恐弁勇難以約束有偷漏虧空之慮向來江船夾私偷漏無所不有獨疑於兵船邪要之此法始事難繼事易有大利無大弊運鹽易米考之於古既有徵寓商於兵創之自今亦甚便謹議

顯志堂稿

卷十

五

借兵俄法議

側聞俄法二夷有自願助順之說

廷議以為利多害少是也有謂不可行者不知夷情之論也欲借夷兵當先問夷之有異志與否夫諸夷不能無異志而非目前數年中事詳余所為重夷務議中今之自願助順者非有他也貼餉必以百萬計利在官逆賊積年劫掠可攘而有之利在兵上年貿易十減三四事平可復其舊利在商且中華為百國之望事成又可誇於遠近以為榮如此而已且借兵為中國前古所罕聞而諸夷近今之常事也彼書所紀新聞紙所傳如希臘等事不絕法夷更以助戰獲利為生計歲書月紀無足重輕之甚者論者幾以宋之借元兵明之借

顯志堂稿

卷十

六

我

大清兵例之夫亦失之遠矣兵法曰知彼知己論夷務宜略識夷情或援古以證今或推己以及人均無當也至謂引鬼入門情事本不類鬼能自入門何待引鬼又已入門何必引金陵一衣帶水耳顧然鼓棹誰則禁之事成來告得之於賊非得之於我獨且奈何哉而待我之引之也若慮需索無已有計城定數之法許少索多夷所不為且果無端需索不借兵庸能免乎總之論者所慮之弊將有之耶不借兵亦有之將無之耶借兵亦無之此更不必知夷情而可以理斷者至於借人借器所費不貲又招勇易而選將難聚勇易而散勇難本多流弊況此等夷勇松江之役嘗雇之賊亦雇之謂之

漏網鬼諸國多有之西班牙尤多皆在夷律禁捕之數上海守門者至拒不令入城其不可用可知且今日之勢亟矣逆賊踞金陵舊帥頓兵城下者八年數萬之師潰於一旦今且蔓延蘇常凶餒益張上游徧地皆賊新帥勢不能棄之而來卽至矣能必蘇常之立下乎能必金陵之連下乎新帥兵無過二三萬視舊已少顧萬一相持稍久歲亦需餉二三百萬在今日不已支絀乎以較少之兵仰支絀之餉而當益張之賊正不知肅清何日也而況新帥之不卽至也東南財賦重地

神京兵食之原本淪陷累月無一卒抵城下將棄之如遺哉

用夷固非常道不失爲權宜之策非僅愈於不過而問也且

顯志堂稿

卷十

十七

用夷有二便焉上海松江成效可見度可剋期藏事一也餉需先許後償雖多不害四郡歲失五百萬兩淮鹽課又三四百萬兩以虛補實有益無損二也甯蘇旣復東路廓清可以保全浙江完善之地可以籌備壬歲轉運之粟可以餘力接濟上游諸省之餉且截江南剿焚巢窟可以永絕北竄之路所關於國家大局者非細也夫迴紇沙陀之事於傳有之惟有郭令而後能用迴紇有晉王而後能用沙陀是在主其事者之得人操縱進退我爲之斯爲善矣

上海設立同文館議

今通商爲時政之一旣不能不與洋人交則必通其志達其欲周知其虛實情僞而後能收稱物平施之效互市二十年來彼酋類多能習我語言文字之人其尤者能讀我經史於

章

國政吏治民情言之厯厯而我官員紳士中絕無其人宋龔鄭昭固已相形見絀且一有交涉不得不寄耳目於所謂通事者而其人遂爲洋務之大害上海通事人數甚多獲利甚厚遂於士農工商之外別成一業廣州甯波人居多其人不外兩種一爲無業商賈凡市井中游閒踈弛不齒鄉里無復轉移執事之路者以學習通事爲通逃數一爲義學生徒英

顯志堂稿

卷十

十六

法兩國設立義學廣招貧苦童穉與以衣食而教習之市兒村暨流品甚雜不特易於沾染洋淫習氣且多傳習天主教更出無業商賈之下此兩種人者聲色貨利之外不知其他惟藉洋人勢力狐假虎威欺壓平民蔑視官長以求其所欲卽如會辦防堵一舉問與能作漢語之大酋議論未嘗遠於事理而局中米鹽瑣屑勢不能與大酋言往往需索之無厭排斥之無理開銷之無藝無非通事勾結洋兵爲分肥之計欺我龔痛逞其簧鼓顛倒鑿弄惟所欲爲實法所必誅而不勝誅且不能誅又其人質性中下識見淺陋叩其所能僅通洋語者十之八九兼識洋字者十之一二所識洋字亦不過貨名銀數與俚淺文理不特於彼中政治張弛之故曹焉無

知卽問有小事交涉一言一字輕重緩亟輾轉傳述往往影響附會失其本指幾何不以小嫌釀大釁洋務爲

國家招搖懷遠一大政乃以樞紐付之若輩遂致彼己之不知真僞之莫辨宜與宜拒汙不得其要領其關係非淺鮮也夫通習西語西文例所不能禁亦勢所不可少與其使市井無賴獨能之不如使讀書明理之人其能之前見總理衙門文新設同文館招八旗學生聘西人教習諸國語言文字與漢教習相輔而行此舉最爲善法行之既久能之者必多有端人正士奇尤異敏之資出於其中然後得西人之要領而取之綏靖邊陲之原本實在於是惟是洋人總匯之地以上海廣州二口爲最種類較多書籍較富見聞較廣凡語言

顯志堂稿

卷十

九

文字之淺者一教習已足其深者務在博采周咨集思廣益則非上海廣州二口不可行之他處猶是一齊人傳之之說也行之上海廣東則置諸莊嶽之間之說也況遼商綱領雖在總理衙門而中外交涉事件則二海口尤多勢不能以八旗學習之人兼顧海口惟有多途以招之因地以求之取資既廣人才斯出愚以爲莫如推廣同文館之法令上海廣州仿照辦理各爲一館募近郡年十五歲以下之穎悟誠實文童聘西人如法教習仍兼聘品學兼優之舉貢生監兼課經史文藝不礙其上進之路三年爲期學習有成調京考試量予錄用遇中外交涉事件有此一種讀書明理之人可以咨訪可以介紹卽從前通事無所施其伎倆而洋務之大害去

矣至西人之擅長者厯算之學格物之理制器尙象之法皆有成書經譯者十之一二耳必能盡見其未譯之書方能探賾索隱由屢迹而入精微我中華智巧聰明必不出西人之下安知不冰寒於水青出於藍輪船火器等製盡昇之道似亦無難於洋務豈曰小補之哉

顯志堂稿

卷十

三

墾荒議

道光之末吾吳糙米平價一兩餘賊陷江甯而後未之或改也蘇杭陷人民死者殆以千萬計矣加以客民不至漕運不發而上游來賊無過數百萬以小半抵客民以大半抵漕運足和當然則食之者寡矣甯過上半年猶中稔乃米價騰貴比常時一二倍賊中亦然此其故何哉聞皖北三河運漕一帶有百里無人煙者江南宜興一帶有十里無人煙者他郡縣有差田一年不耕便荒況兩三年乎是爲米貴之原本凡墾三年以上荒田一畝恒需百夫之力夫價每日一二百文計錢十數千先大夫當乾隆中葉時夫價每日不過錢數十文國初祇三十五文故其時開墾較易厥後漸增至今日幾

顯志堂稿

卷十

三

及十倍矣田貴之地畝值四五十千荒田不足患也吾吳田價畝數千而出錢十數千以墾之雖至愚者不爲是永不能墾之道也其患豈淺鮮哉前閱西人書有火輪機開墾之法用力少而成功多蕩平之後務求而得之更佐以龍尾車等器而後荒田無不墾熟田無不耕居今日而論補救殆非此不可矣存吾說以待之

顯志堂稿卷十一

吳縣馮桂芬林一簪

變捐例議

道光中余戊子同年安徽朱孝廉鳳鳴叩闕進所爲尙書題論

上溫詔褒之其任官惟賢一論頗傳誦京師有曰

國家用科目君子小人參半也用捐班則專用小人矣又曰上以急公好義爲招特假以爲名下以利市三倍爲券將務求其實又曰捐班逢迎必工賄賂必厚交結必廣趨避必熟上司必愛悅部吏必護持又曰與其開捐不如勒派富民百十家之勒派其害偏開捐則將爲貧民億萬家之勒派其害

顯志堂稿

卷十一

普與其開捐不如加賦有形有限之加賦其害近開捐則將爲無形無限之加賦其害遠抉開捐之弊可謂至矣平心論之實苛論也

國朝捐班亦有李公世傑傅公鼐諸人安得謂專用小人乎顧特千百中之一二耳夫求一二於千百中難矣近十年來捐途多而吏治益壞吏治壞而世變益亟世變亟而度支益蹙度支蹙而捐途益多是以亂召亂之道也居今日而論治誠以停止捐輸爲第一義

國朝自招民知縣以來時開捐例皆暫行而非常行道光咸豐兩朝

御極之初卽首停捐例厥後以大兵役徇廷臣之請始又舉

行固知開捐非

列聖意也顧今軍務未戢待用方亟如之何考商鞅賜民爵爲輕名器之漸漢鼂錯從而竊爵甚於鞅矣至入貲補吏創於漢武溢於東漢及晉縣延於唐宋元而幾絕於明景泰元年始命輸納者給冠帶二年令世襲武職四年令生員納粟補國子生如是而已然則必欲爲權宜之計無已其修民爵之令乎商鞅之法貧者得賣與人漢時亦有民得賣爵之令又公大夫以上令丞與圉禮今捐輸之推廣無孔不入獨此二者未之及新仇移獎有賣與人之實而必設爲中表至戚之限明導以欺何爲者至郎中道員之貴一縣令得坐堂皇以辱之安望抗禮哉是亦一間也應請留封典虛銜二者倍

顯志堂稿

卷十一

二

徒其捐數許於若干年內移名若干次有官者不與更仿令丞抗禮之制明定其法以崇之韓氏葵曾有此議實行之無弊者彼諸夷以利爲國官商輒與大酋敵體而絕無入仕之路一犯法則朝爲坐上客夕爲階下囚故富商倍重犯法此亦抗禮無弊之一證其實職升銜加級及貢監一切停止現任有政績者上司特疏保留改其籍曰薦舉其餘無論實缺候補候選皆視原輸銀數改入民爵以示大信且令天下曉然知非往時甫停復開之比捐班中果有才士無所冀倖無所需待將羣然浮厲鼓舞於正途斯官方可以澄敘人材可以奮興矣

繪地圖議

周官大司徒掌建邦之土地之圖周知九州之地域廣輪之數職方氏掌天下之圖國王政之先務也史記蕭何傳漢王所以具知天下阨塞戶口多少強弱之處民所疾苦者以何具得秦圖書也宋史袁燮傳燮爲江陰尉常平使令每保畫一圖田疇山水道路悉載之台保爲都台都爲鄉台鄉爲縣徵發爭訟追胥披圖可立決此言都圖之始嘉定縣志圖卽里也以每圖冊籍首列一圖故名曰圖都圖之宜有圖舊矣今江南州縣有魚鱗冊猶沿其制惟有明以前繪圖不知計里開方之法圖與地不能密合無甚足用太氏不審乎偏東西經度北極高下緯度不可以繪千里萬里之大圖不審乎

顯志堂稿

卷十一

三

羅經三百六十度方位及弓步丈尺不可以繪百里十里之小圖而繪小圖視繪大圖更難以無顯然之天度可據全在辨方正位量度丈尺設有差忒便不能鉤心鬪角陽湖李氏向尺一十八枚圖繪頗準猶嫌其繁重今定一簡易之法如後請下之各直省州縣如法繪畫任取本州縣一城門左旁立一石柱爲主柱卽爲起數之根依此作子午卯酉縱橫綫以一百三十步爲度各立一柱令四柱之內爲一圖容田五百四十畝各圖中乾坤艮巽四隅皆有一柱而以艮隅之柱爲本柱以千字文爲號勒於其上柱徑一尺高一丈埋露各半其露者尺寸有識適當山水市舍則省之或向西或向南退行若干步補之繪圖則用約方二尺之紙十步爲一格縱橫各三十六